

## К ОПУБЛИКОВАНИЮ

### КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ

**«Челядьлы да том йӖзлы республиканскӧй шӧрин»  
Коми Республикаса содтӧд тӧдӧмлун сетан  
канму ашшӧрлуна учреждение выль ног котыртӧм йылысь  
да «Коми Республикаса том йӖз политика комитет йылысь»  
Коми Республикаса Веськӧдлан котырлӧн 2022 во йирым тӧлысь  
11 лунся 512 №-а шуӧмӧ вежсьӧм пыртӧм йылысь**

Коми Республикаса Веськӧдлан котыр шуис:

1. Выль ног котыртны «Челядьлы да том йӖзлы республиканскӧй шӧрин» Коми Республикаса содтӧд тӧдӧмлун сетан канму ашшӧрлуна учреждение (водзӧ – Учреждение) «Том йӖзлы ресурснӧй шӧрин» Коми Республикаса канму ашшӧрлуна учреждение торйӧдӧмӧн.

2. Урчитны, мый Учреждение учредитысьлысь могъяссӧ да уджмогъяссӧ збыльмӧдӧ Коми Республикаса велӧдан да наука министерство.

Выль ног котыртигӧн лӧсьӧдан «Том йӖзлы ресурснӧй шӧрин» Коми Республикаса канму ашшӧрлуна учреждение учредитысьлысь могъяссӧ да уджмогъяссӧ сетны Коми Республикаса том йӖз политика комитетлы.

3. Коми Республикаса велӧдан, наука да том йӖз политика министерстволы:

1) Коми Республикаса эмбур да му йитӧдъяс серти комитеткӧд ӧтвылысь збыльмӧдны оланпастэчас серти Учреждение выль ног котыртӧмкӧд йитчӧм колана юридическӧй вӧчӧмторьяссӧ;

2) выль ног котыртан Учреждениелысь учредитан документъяссӧ урчитӧм пӧрадокын лӧсьӧдны тайӧ шуӧм серти.

4. Пыртны «Коми Республикаса том йӖз политика комитет йылысь» Коми Республикаса Веськӧдлан котырлӧн 2022 во йирым тӧлысь 11 лунся 512 №-а шуӧмӧ:

Коми Республикаса том йӖз политика комитет йылысь положениеын (1 №-а содтӧд):

6 пункт гижны таdzi:

«6. Комитет збыльмӧдӧ учредитысьлысь могъяссӧ да уджмогъяссӧ «Том йӖзлы ресурснӧй шӧрин» Коми Республикаса канму ашшӧрлуна учреждение серти.».

5. Тайӧ шуӧмсӧ олӧмӧ пӧртӧм бӧрся видзӧдны Коми Республикаса Веськӧдлан котырӧн Юрнуӧдысьӧс вежысьлы, кодӧ кывкутана могъяс юклӧм серти координируйтӧ Коми Республикаын велӧдан да наука удж сӧвмӧдан, наука организацияскӧд ӧтув уджалан юкӧнын канму политика збыльмӧдан юалӧмъяс серти Коми Республикаса олӧмӧ пӧртысь власьт органъяслысь уджсӧ.

6. Тайӧ шуӧмыс вынсялӧ сійӧс примитан лунсянь, 2, 4 пунктъяс кындзи, кутшӧмъяс вынсялӧны 2023 вося тӧвшӧр тӧлысь 1 лунсянь.

Коми Республикаса Веськӧдлан котырӧн  
Юрнуӧдысьӧс Медводдза вежысь

Э. Ахмеева

Сыктывкар  
2022 вося вӧльгым тӧлысь 2 лун  
540 №